

嵩

書

嵩書序

民部傅元鼎善古文詞尤
精于史記以爲六經之鼓
吹旣令登封討論中嶽故

實倣史記八書著嵩書五
年而後成釐之爲篇十有
三蓋自天文地理古今帝
王封禪祠宇都會城邑公

卿大夫士生于斯仕于斯
隱于斯遊于斯所紀載題
詠與仙真之遺蹟鬼神
之災祥緇黃之託處鳥獸草

木之品彙巨細兼該圖史
畢具矣余仕中州從釣臺
望嶽近在几席三度欲往
皆以事奪每用爲恨今得

是書臥而遊之幸甚昔鄭
夾漈馬貴與藝文類目名
山有記有錄有譜有圖而
稱書自元鼎始鄧通志有

盧鴻一嵩山記馬通攷無
之而嵩山有書自元鼎始
易之觀陰陽書之導山水
詩之識名物春秋之明褒

貶禮之節文樂之律度體
例並舉貫三才總百家即
以伯仲史記言有大而非
誇也元鼎有軼才好個儻

大節爲刑部郎狂且闌入
青宮將爲要離荆軻之所
爲執下司寇以事出非常
邪議紛起元鼎力贊王者

默定爰書戮一人而逆謀
膽落主鬯以安尋推擇使
讞三晉所平反數百人獄
牒爲天下第一役甫竣抗

疏指陳闕政多批鱗語疏
畱中忌者中之謫籍事白
即其家起為南度支郎其
僚有居前功者已躐躋卿

列而元鼎絕口不言遂無
殊尤之擢隨牒平進不得
休足輦下夫嵩嶽降神生
申及甫申伯之德曰柔惠

且直仲山甫之德曰柔嘉
維則嵩山在天地中其神
聰明正直而壹元鼎修明
祀事其德足以昭其馨香

神實臨之是以能直能則
剛不茹柔不吐可以聞四
國可以揉萬邦是書也先
成民而後致力于神神人

以和猶之山然財用于是
乎出原隰衍沃衣食于是
乎生其所繇來宏遠矣如
第以誇多鬪靡弔詭鉤深

比于山經野史祕諸帳中
助揮塵之談而已未為不
知元鼎未為真知元鼎也

大泌山人李維楨本寧

父撰

嵩書自序

文林郎登封縣知縣邢臺傅梅元鼎撰

世謂天道遠人事邇乃儒者有言天人相與之際可得分遠邇乎此其故聖人罕言之即門弟子無所聞而恒言則曰飲啄皆前定夫飲啄性也前定命也津出庸慙之口抑又何耶先揚州府君年不惑時四上春官三試旣畢出闈就寢夢有冕而自稱山人者直入內室寤而識之數日家報至第四子生問懸弧之候即夢寤之頃也府君私念曰旣冕矣猶稱山人

是兒必當有異因命名山子山子年七歲從父官山
東始出就外傅更今名曰梅則受詩李父南臯先生
年十一從父官宛南則受易吉水羅先生年十六從
父官京師則受春秋麻城梅先生後以春秋舉京兆
自府君謝郡數載即世梅年三十北遊成均間從建
業焦先生受書久之丁先恭人艱友里中吳生讀三
禮蓋三十年泛濫六藝之中卒無所遇久待公車不
覺顛毛短矣夫學者載籍極博猶考信於六藝梅自
髮未燥從事鉛槧于二酉之藏多所涉獵今雖老大

僂蹇不敢跳入二氏惟是以六經為折衷也六經聖人之文聖人亦數變矣蓋上古之世惟結繩而治耳自書契興八卦畫為文字之始嗣是而增卦爻而著本草而服衣裳而制律呂至於治曆明時齊政徽典煥乎其有文章也凡五變而盛矣又至於忠質文互用制作損益爛焉方冊而文無可加凡三變而極矣孔子轍環列國東周志阻歸而歎鳳泣麟乃刪述六經為萬世之憲聖人而至此變之盡矣其曰述而不作非不能作無庸作耳竊惟功業者持世之法度言

語者揀世之津梁兩者並重而要以心德爲之基前
人有言歿而不朽者三子不謂然也夫世代遷易理
勢遞移乘時邁會非中有所得嘗試而漫爲之功於
何有若夫言也者往往出於約結之人或囿於時束
於格意不得自宣思藉空言以俟來詰舉而措之鑿
鑿也故非盛德君子謂之窵言世見夫窵言者有當
乎哉六藝而後奇勛偉伐垂諸竹帛者歷歷可數即
論著自顯代不乏人要以體大而膽志曠而肆探六
經之秘櫛百氏之華則不能不服膺司馬子長馬子

長世爲太史以其宏博恣其馳騁述先人之意爲史記百三十篇自黃帝迄天漢蓋治亂善敗之林今古火薪之寄序天官闡天地陰陽之奧近於易著平準河渠律歷彗經綸制作之蘊近於書禮樂兩篇悉二經之旨而諸篇中更舉山川草木鳥獸爲風人所未殫者又近於詩至其抑揚褒貶微詞隱義亦庶幾春秋家法也彼以絕代之才博古之學而遭李陵之禍名辱身寃安得不鳴今讀其自序引西伯之羸里孔子之陳蔡與屈原之離騷以至於失明躄腳遷蜀囚

秦之流謂其人皆意有所鬱結不得通其道也以此
發憤遂志有所論載卒欲藏之名山副在京師俟後
世聖人君子其思深其致可念矣今國家坐襲承平
之業日久上視士太輕求士太薄自制舉義外別無
物色之典無論三代耕莘釣渭之遇杳不可復即如
中古束帛尺書下賁巖穴尋常細事亦成曠儀矣士
生斯時一降世格生平之氣立盡噫天下一家誰肯
北走胡南走越哉雖有豪傑不得不俯首就之屈志
受之此其常也梅旣以數奇久待公車不第家日益

貧不得不效陶元亮思以弦歌資三徑乃謁選探策
得濟北之商河旣組而悔喟然歎曰男子生而桑弧
蓬矢以射四方六合內事皆分內事予自少至壯東
未嘗觀海南未嘗渡江西未嘗入關北未嘗至塞旣
不能如子長世官太史得紬覽石室金匱之書廣其
聞見又不能如子長足跡徧天下遐陬僻壤無不有
車輪馬跡以縱覽海內之勝擴其胸懷徒區區守一
簿書局促轅下俟河之清人壽幾何於是陳牒銓部
乞返初服當事者弗許未幾乃自商河移令登封甫

入境見二室挿漢不覺躍然喜曰此古所謂中嶽嵩高也夫天下之山讓嶽四方之嶽讓中梅卑卑墨綬儼然稱茲山主雖一城僅如斗大而左右前後無非山者因思先大夫曾名予山子以示賤於穉齡殆成夙讖矣又思子美稱也在周班爵列第四等應分茅土方五十里今郎官出宰百里輿圖倍之又主祭境內名山得比於古之諸侯豈偶然哉嚴親命之名大君授之位相去四十年若合符節詎止一飲一啄蒼蒼之表有主之者矣嵩故無書古今一切禮樂名

物委諸草莽掌故之謂何蓋亦有司失職所致也梅
竊有志焉以初至無年拮据荒政未敢誦言纂述既
踰一考徵天之幸時和年豐百姓順化諸臺薦剡數
上謬以治行高第拜璽書之寵有懷二人晉秩號有
加小子梅淡自愧念無足稱塞萬一惟有搦三寸管
率職終志陰藉山嶽之靈以上報君父仰答天意此
其時矣魯論有言賢者識其大者不賢者識其小者
嵩山在禹貢名爲外方漢制大邑曰令小邑曰長梅
所領小邑也奄有全嵩得自稱外方長在山言山於

是退公布卷按舊攷新考證往古之失得發明昭代之典則期以補職方之遺備史官之采凡有關於高山者芟其煩蕪正其缺謬分曹列類自天象始

維天垂象散者列星太陽之榮萬物之精填官土位主茲中央分經遵紀職在保章辨色審度以觀妖祥慎哉下土勿謂杳茫述星政第一

二氣肇分萬類森然峙而為山流而為川奠方布潤千祀萬年峴山墮淚鄴渠永傳一丘一壑得麗斯延仰止嵩高峻極於天述峙勝第二

形勝自天選勝則人景山接日土木以新物盛必衰
消息環循繁華餘幾化爲埃塵旣傷實亡更慮名湮
眷茲遺址懷彼先民述卜營第三

粵稽虞帝省方惟時柴望山川侯度以垂舉隅而反
中嶽可知後皇封禪作俑者誰三公視秩萬歲傳疑
警蹕盤遊般鑿在茲述宸望第四

或謂才賢生不擇地載觀往迹降實不易出必有爲
氣必有萃造化鍾靈適與之值人亦有言聖以學至
告爾後哲聿貞厥志述嶽生第五

巖巖嵩嶽作鎮中州冠蓋至止懷彼前修仕無顯晦
澤斬名畱德功尚矣言亦千秋悠悠我思皇皇我憂
不知我者謂我何求述宦履第六

大人達道高士隱跡異遇殊趨各安所適泉石寄情
烟霞奚癖玉質輝山珠光媚澤處則皜皜出則赫赫
捷徑終南虛聲何益述巖棲第七

黃帝無爲天下以理清淨養性厥惟李耳可以御政
可以全己且與化齊而畏生歿舉世皆迷日求久視
外身身存知者與幾述黃商第八

浩浩乾坤茫茫亭毒聖凡均性華夷同育聖人大備
斯文炳煜若夢若非佛生天竺三乘誰分五宗惑俗
愈遠愈離吾道吾賡述竺業第九

坤德凝厚載嶽巍然巍然者嶽寶藏興焉簡冊匪誣
微顯可詮生之居之總總綿綿方內資用方外延年
刪同存異奕世珍傳述物華第十

土有墳羊山有靈夔造化變態不知所爲界幽生異
境絕集奇出鬼入神若信若疑溺之障意通之解頤
博物君子無爲世嗤述靈緒第十一

四始炳煥六義昭敷世變體分代有前驅詠歌陳志
天藻自摠登高能賦庶幾大夫完石非寶有瑕或瑜
披纂覓路不憚刪鉅述韻始第十二

日星代明雲漢爲章高山峩峩流水洋洋天地之文
悠文無疆前爲後師今傳昔名以繼以開有裁斯成
知我罪我先民是程述章成第十三

外方長曰余吏隱陽城述嵩書十三篇統計二十餘
萬言食則噍之寢則枕馬手判文書心搔袖札者再
更歲曆仰極天象俯究物情上下數千三閱自六籍

所及以逮今茲凡星緯次舍流峙動靜之故州域國
邑宮室田里君臣朝野禮樂制度詞賦文章之跡即
仙釋之流詭異之事細而至於夭喬鳥獸鱗介器物
之屬亦爲品詮悉合規度務在昭垂鑒戒非雅馴不
軌於正者靡得而載焉雖博遜子長不敢自謂成一
家之言然彼以其十識其大者吾以其一識其小者
云耳至若所謂有能紹明世正易傳繼春秋本詩書
禮樂之際故非此書所敢任也噫身已訕矣名已晦
矣言之傳否遑足計乎先正有言聖人之言海也苟

能通陰陽之氣達水泉之流以海爲歸者皆海之溢也夫小子亦囿於天道而不能已者也

萬曆四十年歲次壬子冬十月望日

嵩書自序終

尚書目錄

文林郎登封縣知縣傅梅完鼎撰

第一卷

星政篇

宿屬

一曰角亢氏

一曰柳星張今以柳

星張為正

星屬

壽星

軒轅星

填星

州屬

一曰兗州

一曰豫州

一曰三河今以豫州三河為正

國屬

鄭韓

周今以周為正

第二卷

峙勝篇

嵩高總略

太室

少室

山類

箕山

陽城山

東龍門山

三臺山

陽乾山

轅轅山

君子山

萬金山

玉案山

慎來山

緱氏山

小熊山

大熊山

三尖山

交崖山

牛山

石堂山

倚箔山

萬安山

玉華山

浮山

風門山

玉仙山

偃月山

五乳山

峰類

太室中峰

青童峰

黃蓋峰

浮丘峰

三鶴峰

遇聖峰

萬歲峰

玉鏡峰

獅子峰

虎頭峰

起雲峰

鳳凰峰

金壺峰

華蓋峰

玄龜峰

卧龍峰

會仙峰

子晉峰

玉柱峰

老翁峰

玉人峰

玉女峰

金匱峰

積翠峰

太白峰

雞鳴峰

春震峰

懸練峰

周道峰

勝觀峰

石幔峰

松濤峰

河帶峰

桂輪峰

立隼峰

觀香峰

望都峰

自青童峰至此為太室三十六峰
下為少室三十六峰

朝嶽峰

望洛峰

太陽峰

少陽峰

石城峰

石笋峰

檀香峰

丹砂峰

鉢盂峰

香鑪峰

連天峰

紫霄峰

羅漢峰

七佛峰

靈隱峰

來仙峰

清涼峰

寶勝峰

瑞應峰

瓊壁峰

紫蓋峰

翠華峰

藥堂峰

紫薇峰

白道峰

帝字峰

卓劍峰

白雲峰

金牛峰

明月峰

凝碧峰

迎霞峰

玉華峰

寶柱峰

繫馬峰

白鹿峰

巖類

盧巖

科斗巖

東巖

虎口巖

赤脚巖

棄瓢巖

日華巖

芙蓉巖

錦帶巖

龍蛻巖

縱鹿巖

鼎腹巖

雲林巖

翻照巖

摘星巖

栢厦巖

雉羽巖

雲華巖

雲母巖

劍脊巖

石梯巖

黃甌巖

崖類

栖靜崖

積雪崖

雀尾崖

鱗雲崖

養龍崖

望汝崖

清微崖

水鏡崖

谷類

鬼谷

潁谷

逍遙谷

承天谷

紫虛谷

馬蹄谷

萬工谷

玉華谷

黑石谷

栢谷

壺中谷

好音谷

山陰谷

洞類

象極洞

顏回洞

石樓洞

羅漢洞

毛女洞

天際真人洞

文殊洞

達磨洞

雲鐘洞

浮丘洞

紫雲洞

神清洞

桃花洞

前乳洞

後乳洞

嶺類

嶠嶺

清煙嶺

望朝嶺

琅玕嶺

象嶺

石屏嶺

問耕嶺

憩鶴嶺

鐵圍嶺

岡類

牧子岡

問蕘岡

萬羊岡

拜風岡

青林岡

石鼓岡

峽類

天門峽

大鐵梁峽

小鐵梁峽

玉黃峽

待仙峽

坡類

暮旋坡

漁樂坡

峻嶝坡

穴類

龍穴

龍簡穴

光明穴

鍾乳穴

鶴泣穴

石類

啓母石

搗帛石

三醉石

定心石

井田石

玄象石

墨浪石

試劍石

琴臺石

曬藥石

卓笏石

承露石

虎石

羊石

山之雜類

嵩山天門

西天門

玉女窻

鐵楞窻

轅轅坂

上定思

中定思

下定思

子晉壘

袁術固

漢果園

織錦臺

期仙磴

滌煩磯

潘陵尖

龐塢

竝玉所控諸峰

水類

潁水

涓水

潏水

休水

泉類

天門泉

太乙泉

龍贈泉

鳴琴泉

逍遙泉

斗柄泉

醴泉

菱鏡泉

懸泉

雙壁泉

醒心泉

卓錫泉

高隱泉

玉酒泉

赤泉

白泉

洗耳泉

馬跑泉

飛玉泉

米沸泉

川類

石柱川

少陽川

徵士川

雙虹川

理粧川

江左川

谿類

五渡谿

黃谿

金屑谿

玉谿

飲鹿谿

澹忘谿

少谿

潁陽東谿

澗類

拜馬澗

公路澗

平樂澗

丹丘澗

鶯鳴澗

潭類

九龍潭

金碧潭

車箱潭

白龍潭

淙類

石淙

雲錦淙

浦類

二十八浦

竹香浦

鷺浦

水之雜類

平洲

大有渠

豐樂塘

水雲津

南漪

行春澹

飛花瀨

滙澳

鴈渚

柘林臯

長汀

第三卷

卜營篇

州邑一

歷代沿革總叙

城郭二

黃城

黍城

古城

孤竹城

登封新城

屏嵩郭

關鎮三

轅轅關

鄂阪關

陽城關

石羊關

大谷故關

潁陽鎮

告成鎮

壇廟四

封禪壇

封祀壇

八仙壇

琉璃壇

中嶽廟

禹廟

周公廟

啓母廟

少姨廟

仙官廟

穎源廟

石人廟

玄帝廟

九龍廟

迎仙廟

昇仙太子廟

純孝伯廟

宮觀五

崇福宮

嵩陽宮

奉天宮

三陽宮

承天宮

清微宮

萬歲觀

太乙觀

天封觀

嵩陽觀

白鶴觀

隆唐觀

精思觀

紫虛觀

洞清觀

土德觀

崇慶觀

頤真觀

龍泉觀

龍翔觀

玉溪觀

清風觀

玄都觀

太微觀

丹霄觀

玉泉觀

通真觀

嵩仙觀

寺院六

卷附

大法王寺

嵩嶽寺

會善寺

少林寺

峻極寺

永泰寺

盧巖寺

下盧巖寺

龍潭寺

碑樓寺

在孫寺

龍華寺

馬鳴寺

西勝寺

清涼寺

華嚴寺

寶林寺

三峰寺

玉泉寺

淨明寺

大嶽寺

黃峪寺

水峪寺

石門寺

竹園寺

龍泉寺

寶勝寺

弘化寺

普照寺

崇法寺

溫姑寺

菩提寺

清水寺

白雲寺

宣陽寺

崇福寺

普明寺

道場寺

石窟靈巖寺

天中寺

封禪寺

戒壇院

峻極中院

峻極下院

寶林院

龍潭院

淨明院

護國院

法華院

舍利院

功德院

御容院

面壁菴

二祖菴

寶珠菴

白雪菴

朝陽菴

吏隱菴

張相公菴

郎官菴

長春菴

谷神菴

控鶴菴

臺殿七

測景臺

觀星臺

登仙臺

玉女臺

集仙臺

思仙臺

金蠶臺

甘露臺

鳳凰臺

逍遙臺

覓心臺

望母臺

倒景臺

揖仙臺

怨臺

峻極殿

鳳陽殿

八極殿

黃籙殿

太乙殿

祈真殿

保祥殿

元神殿

本命殿

御容殿

樓閣八

黃中樓

逍遙樓

嵩陽樓

陽春樓

考辰樓

大觀樓

寶成樓

天咫樓

天中閣

毘盧閣

藏經閣

書院九

太室書院

嵩陽書院

潁谷書院

少室書院

存古書院

亭館十

萬歲亭

負黍亭

聖水亭

芝和亭

甘泉亭

立雪亭

景雲亭

觀瀾亭

飛泉亭

生賢亭

御香亭

御帛亭

有斐亭

醉雨亭

懋館

啓秀館

堂室十一 庭附

弭節堂

盡心堂

仰嵩堂

廓然堂

草堂

望稔堂

永譽堂

永化堂

存古堂

洞元室

枕煙庭

羃翠庭

門闕十二

坊附

崇聖門

峻極門

仙遊門

尋真門

春雨門

黃離門

鴻澤門

萬歲門

中嶽廟石闕

啓母廟石闕

少室石闕

宇宙具瞻坊

位中四嶽坊

秩比三公坊

祠墓十三

許公祠

潁考叔祠

二賢祠

二程祠

李拾遺祠

盧徵君祠

靖長官祠

許由墓

巢父墓

啓母墓

商均墓

周昭王墓

潁考叔墓

周聖墓

京兆王墓

魏裴植墓

蕭贊壽陽公主合葬墓

唐盧殷墓

五代漢高祖墓

宋郢國張公墓

橋梁十四

綰嵩橋

少溪橋

半虹橋

美蔭橋

平梁

歎梁

池井十五

中天池

洗耳池

芙蓉池

菡萏池

京兆王池

飲鶴池

湛池

翻珠池

卓錫四井

左龍井

右龍井

雲母井

鄉保十六

大寧保

唐莊保

盧店保

劉碑保

大峪保

崇德保

廟莊保

曲河保

高馬保

寺莊保

金店保

王上保

石道保

胥店保

柳東保

榆東保

榆西保

呂店保

坊廓保

郭店保

第四卷

宸望篇

上古

黃帝

親至

唐堯

親至

周

穆王

親至

漢

武帝

親至

宣帝

遣使

順帝

遣使

魏

明帝

遣使

北魏

明元帝 遣使

太武帝 遣使

孝文帝 親至

孝明帝 遣使

出帝 親至

北齊

宣帝 遣使

孝武帝 親至

隋

高祖 望祭

唐

高宗 親至

武后 親至

玄宗 遣使

宋

太祖 遣使

太宗 遣使

真宗 遣使

仁宗 遣使

神宗 望祭

高宗 遣使

金

世宗 遣使

元

世祖遣使

仁宗遣使

順帝遣使

大明

太祖高皇帝遣使

成祖文皇帝遣使

仁宗昭皇帝遣使

宣宗章皇帝遣使

英宗睿皇帝遣使

景皇帝遣使

憲宗純皇帝 遣使

孝宗敬皇帝 遣使

武宗毅皇帝 遣使

世宗肅皇帝 遣使

穆宗莊皇帝 遣使

今皇帝 遣使

第五卷

獄生篇

陶唐

許由

巢父

樊仲父

周

甫侯

申伯

顓孫師

秦

陳勝

漢

王霸

祭遵

祭彤

杜密

北魏

韓褒

唐

李中敏

宋

王忠民

范弇

大明

范讓

李榮

傅文

李錫

王中

第六卷

宦履篇

周

穎考叔

漢

丁綝

朱寵

北朝

柳檜

張乾雄

唐

陸餘慶

顧少連

盧殷

宋

范仲淹

馬仲甫

韓維

司馬光

呂誨

程顥

程頤

楊時

樓異

李綱

趙野

李邴

朱熹

曹彥約

徐應龍

劉光祖

許奕

崔與之

倪思

王居安

晁詠之

張來

元

鄭文卿

大明

山錫之

谷庸

侯泰

丁應泰

第七卷

巖棲篇

周

王翊

秦

孔鮒

漢

李膺

陳寔

劉焉

北朝

徐謩

裴粲

裴衍

馮亮

邢子才

楊愔

柳蚪

尔朱敞

唐

田游巖

盧照鄰

盧藏用

武攸緒

王希夷

武平一

李泌

蕭穎士

盧鴻一

張彖

李渤

孔述睿

孟郊

五代

鄭遨

宋

孔承恭

舒元

舒知雄

种放

萬適

田誥

楊璞

張昇

劉几

董五經

晁說之

金

張行信

馮璧

杜時昇

雷淵

元好問

高仲振

張潛

元

杜瑛

李俊民

白居易

大明

何靜業

第八卷

黃齋篇

周

李耳

宋倫

王仲倫

浮丘公

王子喬

蘇林

邛疏

劉奉林

施存

王觀香

秦

姜叔茂

丁寔

漢

周栖野

劉根

王興

張道陵

魯女生

黃敬

晉

商丘開

梁

廖沖

後魏

寇謙之

唐

王遠知

潘師正

劉道合

韋善俊

吳筠

司馬承禎

李含光

邢和璞

李筌

吳善經

賀自真

譚峭

應靖

王仙君

焦鍊師

薛玄同

宋

許昌齡

賀蘭棲真

王仔昔

劉居中

邊洞元

大明

馬之瑤

顏道人

第九卷

竺業篇

南北朝

跋陀

達磨

慧光

慧可

僧稠

善惠

隋

洪遵

大志

慧蕭

唐

慧安

元珪

破竈墮

丁居士

一行

從諗

崇珪

恒政

華嚴

藏奩

惟寬

允文

彥暉

五代

貞峻

宋

報恩

慧昭

金

教亨

元

福裕

緊那羅

大明

徹空

文載

扁罔

第十卷

物華篇

玉部

玉膏

玉漿

白石英

雲母

石部

石髓

石脂

石鍾乳

石蜜芝

石膽

石流赤

石桂英

丹砂

封石

石麩

金部

鐵

器部

承露鼎

八服劔

鎮山劔

銅鈔

石林

自然明燭

書部

自然經書

陰符經

素書

丹經

三皇文

古篆隸書

草部

莖草

南燭草

芝

蘭

薯

菖蒲

黃精

薯蕷

何首烏

天門冬

木

葵

芍藥

桔梗

赤箭

防葵

天雄

草石蠶

米蒿

毛女菜

翠子茶

木部

帝休

栝

貝多

連理木

鳥部

竹

竹部

棗

檀

榆

槐

桂

松

胡桃

柿

楮

杏

櫨

栢

鳳凰

鶴

黃燕

獸部

麒麟

駮

麋

白鹿

麋

鱗部

龍

鯢魚

碧蛇

蟲部

白蝙蝠

蜥蜴

第十一卷

靈緒篇

啓母嵩高山化石

老子居嵩山用浮提金壺墨寫經

嵩山少室爲洞天福地

少室太室神皆人面三首

嶽神姓諱職掌服御各書所載不同

高山是棲神靈藪

石室中有石脂益壽

嶽像玉人神異

二室所產異物服者各有益

嵩高山穴有圍棋仙人玉漿石髓

少室有王子晉所留資糧

少室有三定思及自然經書飲食

嵩巖石孔中有十六仙人月光童子

石室十餘孔可以避世

嵩山浮圖金像神異

漢武帝夢繡衣使者乘龍請少君

漢武帝三臺山見仙女

嵩山貝多樹一年三花

少室女子食日精

蔡中郎嵩山石室中得素書

束皙識嵩山竹簡

嵩山石室出三皇文

嵩山天降玉璽

嵩高神以金壁致劉裕

左慈陽城山變羊

嵩山大蜥蜴作電

白龜年嵩山遇李白

嵩山老道士化石

王猛賣畚遇嵩山仙人

魏寇謙之刻石嵩山隱言唐代之事

唐高宗不得封嵩山童謠

王秀才嵩山遇修月戶授玉屑飯

嵩山聖竹林寺示現

避瘡人聞嶽神言北魏移都年數

嶽神為珪禪師移樹東嶺

嵩陽孫思邈因伊洛二龍之言撰千金方

韋老師嵩嶽寺洗犬變龍騎之昇天

嵩嶽寺神婦蹋泉顯異

潘老宿少林空屋自用葫蘆中卧具肴饌

中嶽道士顧玄續求人守丹鼎不終

李石嵩山遇病鶴求三世人血

吳善經嵩洞遇仙人授以字書

任生讀書嵩山拒仙女求婚

少室有歌山舞水織錦堂光明穴雲鐘鶴

井諸異

嵩山古松變青牛伏龜

石元懿嵩陽遇老叟識為良弼

薛生上嵩山見五仙人朱書篆字

崇福宮真武神像顯聖

錢參政識嵩山童子異人

張齊賢醉卧嵩石見自己食料羊

登封士人見鼠糞作異

李光元少室遇元壽先生得道

王胡叔歿而見形引胡入冥途遊觀見嵩

山二神僧

元好問少姨廟見仙詩

韋安之與秦嶽冥官張道同業少室

王子晉所乘之馬亦昇仙

漢武帝嵩山遇大耳仙人採菖蒲

達磨在天竺時豫識少林傳法

盧鴻一登嵩山著四銘紀異

嵩山龍潭神異

少林寺跋陀叱水西流

會善寺龍聽講經送水

玉柱峰下縱白鹿

石堂山壁上見字

玉黃峽潭龍作雨

白鶴觀老松樵傷見夢

嵩山赤衣童子屢見

夢中為象極洞雙龍并立名

詛龍潭致雨

箕山遇招隱客

第十二卷

韻始篇一

周

大雅詩十六章

尹吉甫

漢

四言古詩二首 劉向

魏

五言古詩一首 阮籍

宋

五言古詩一首 謝靈運

梁

五言古詩二首 江淹

北朝

五言古詩一首 庾信

七言古詩一首 鮑照

第十三卷

韻始篇二

唐

五言古詩五十七首

劉希夷二 王績一
沈佺期一 陳子昂一

一 田遊巖一 宋之問六 李適一

徐彥伯一 李白十四 李頎一 崔

曙二 王維四 儲光羲二 王昌齡

一 岑參三 常建一 李華一 獨

孤及一 皇甫冉一 韋應物一 錢

起一 權德輿一 孟郊四 白居易

一 劉駕一 于鄴一 吳筠一 尉

遲分一

七言古詩二十一首

張說一 宋之問二
王無競一 賈曾一

李白一 盧鴻十 李頎二 高適一
盧綸一 白居易一

雜體二首

徐堅一 宋之問一

五言律詩四十六首

駱賓王一 武后一
沈佺期二 宋之問

六 李咸一 祖詠一 吳兢二 孟浩然四 李頎一
李白一

王維一 綦毋潛一 王昌齡一 戴叔
朝陽一 岑參二 劉長卿一

倫二 權德輿一 劉禹錫一 白居易
易三 喻鳧一 方干一 張喬二

崔塗一 鄭谷一 韋莊一 張翥一
釋清塞一 釋清江一

七言律詩三十九首

武后一 皇太子顯
相王旦一 武三

思一 狄仁傑一 張易之一 張昌

宗一 李嶠一 蘇味道一 姚元崇

一 閻朝隱一 崔融一 薛曜一

徐彥伯一 楊敬述一 于季子一

沈佺期一 宋之問一 王維二 劉

長卿一 錢起二 盧綸一 楊巨源

一 白居易三 賈島一 周賀一

許渾一 韋莊一 陳陶一 溫庭筠

喬一 曹鄴一 劉滄二 方干一 伍

五言排律十八首 楊炯一 武后一 宋

蘇味道一 張九齡一 李頎一 宋

昱一 杜甫一 皇甫冉一 盧綸二

鄭畋一 許渾一 張仲素一 厲玄

一 鍾輅一 王邕一

五言絕句五首 宋之問二 陳子昂一

祖詠一 釋皎然一

七言絕句十七首

崔曙一 皇甫冉一
武元衡一 張籍一

白居易七 陳羽一 徐凝一 許渾一
鄭仲賢一 胡曾一 費冠卿一

第十四卷

韻始篇三

宋

五言古詩四十五首

梅堯臣十八 范仲淹十二 歐陽修十

三 蘇軾一
邵雍一

七言古詩三首

歐陽修

五言律詩六首

王贊一 李若谷一 張仲武一 歐陽修二 王

彦輔一

七言律詩五首

尹輔一
雍三

文彦博一

邵

五言絕句一首

邵雍

七言絕句二十九首

程頤一
樓異二十四
邵雍三

王十

朋一

金

四言古詩一首

麻九疇

五言古詩十一首

趙元一
淵三

馮壁二
好問五

雷

七言古詩六首

趙元一
甫一

雷淵一
好問三

李純

五言律詩六首

趙秉文一

元好問五

七言律詩十一首

許安仁一
元好問四

馮壁二
趙秉文一

王惺一
路公一

釋承變一

七言絕句九首

許安仁二
殷一

辛愿一
盧庸二

李獻能
張

一元好問二

元

五言古詩一首

吳全節

七言古詩二首

童南谷一

張廓一

七言律詩十二首

梁宜一
蒲理翰三

李允中二
鄭棐一

史公賢一 童南谷一 程相一 李

好文一 釋寥一

五言排律二首 孟同一 裴處權一

五言絕句十二首 楊奐

七言絕句五首 梁宜二 崔伯淵二 史

第十五卷

韻始篇四

大明 洪武至隆慶年詩

五言古詩十二首 高啓二 厲仲彰一
于範一 王堯弼一

陳棐一 吳三樂一 楊家相一 李
禎二 吳會一 金一 陽一

七言古詩十首

劉基一 劉成一 駱駝一 沈文

馮世寧一 吳三樂一 陳文燭一 薛蕙一

五言律詩四十首

閻禹錫一 厲仲彰二 孫永思一 陳棊一

毛伯溫一 王韋四 薛蕙二 王濤一 許完三 王應期二 王濤一 王寵

呂顯二 任淳二 王應鵬二 蔡汝楠一 亢思謙一 鄒守愚一 趙諫

陸東二 汪潮一 朱衡三 吳三樂四

七言律詩四十首

山錫之一 曹璉一 傅文一 胡謚二 閻

鐸一 左傑一 段豸一 陳鳳梧一 李夢陽三 李居仁一 于範一 喬

宇一 薛蕙一 許完一 李元一 楊儒魯二 王洙三 任惟賢一 王

應鵬三
王尚綱一
蔡汝楠一
李史褒

善一
趙諫之二
溫如華一
劉紹

恤一
項總一
周鑑一
穆文熙一

五言排律六首
山錫之一
劉紹恤一

五言絕句六首
李元三
王尚綱一
趙

七言絕句十五首
喬宇二
何天衢一
沈應乾四

趙震一
楊洞二
趙貞吉四

第十六卷

韻始篇五

大明萬曆年詩上

五言古詩四十七首

李化龍一 王士崧三 周夢暘區

大相九

周傳誦一

高出六

穆光區

胤一

崔萬仞三

釋欽義一

戚伯

堅四

傅梅十七

七言古詩十二首

趙南星一

區大相一

高出三

穆光胤二

葉秉敬二

王穆登一

傅

五言律詩四十五首

黃洪憲二

周夢暘二

孫繼皋

李

言恭二

宋世思二

萬象春二

潘

豫之一

李思孝二

于若瀛一

區

大相四

袁宏道二

張邦紀一

楊

王潤一

馬之騏一

王穆登一

穆

光胤二

杜文煥二

魏大儒一

方

承郁二

傅梅十

魏大儒一

方

七言律詩八十七首

李化龍
馬化龍
張維新

申一
丁應泰二
俞安期二
李思孝
方大

美一
黃輝二
區大相二
李
會用升

一
張邦紀一
金忠士一
吳用先二

一
袁宏道五
房楠一
鄭振先一

黃承玄二
周傳誦二
鄭振先一
馮

王元綸一
張季彥一
高出二
馮

時可九
馬之騏一
馬之駿二
崔

萬仞一
穆光胤一
戚伯堅二
白

南金一
葉秉故二
方承郁三
王履

孫昌一
陳文燭一
屠隆一
王履

和二
傅梅二十四
屠隆一
王履

第十七卷

韻始篇六

大明

萬曆年詩下

五言排律十一首

黃輝一
光胤二

高出四
王世懋一

穆

傅梅三

七言排律一首

傅梅一

五言絕句八十七首

李化龍一
張應登一

周夢暘
周夢暘

二
王係昌一

陳繼儒一
方重四

傅梅七十二

杜文煥

六言絕句四首

傅梅四

七言絕句五十六首

王世懋二
李化龍一

徐學謨
劉

楚先一
出十八

袁宏道四
傅梅二十四

項士美二
高

第十八卷

韻始篇七

古今諸賦七篇

晉潘岳一

宋樓异一

唐張仲素一
明曹

魏一
傅梅一

劉咸一

第十九卷

章成篇一

漢

詔一
武帝

書一
荀爽

魏

贊一

曹植

文一

糜元

晉

贊一

郭璞

頌五

陸雲四
潘岳一

論一

石崇

宋

文一

范泰

梁

碑一 武帝

北魏

表二 崔光一 裴衍一

詔一 宣武帝

第二十卷

章成篇二

唐

詔四 玄宗二 德宗二

制二 玄宗

敕一 代宗

序五 陳子昂一 張易之一 權德輿二 梁肅一

記四 陸長源一 顧少連一 韋行儉一 李方郁一

碑六 武后一 崔融一 楊炯一 裴漼一 李邕一 釋靖影一

碣二 王適一 楊植一

書三 太宗一 武后一 韓愈一

疏一 張說

銘二 崔琪一 釋義淨一

頌一 李林甫

雜文二 王勃一 韓愈一

第二十一卷

章成篇三

宋

碑銘并序三 盧多遜一 王會一 陳知

記二 駱文蔚一 張挺一

碑一 王著

傳一 賈善翔

書一 謝絳

雜文六 黃庭堅一

歐陽修一 蘇軾一 蘇轍一 葉夢得一 邵伯溫一

金

記四 李純甫二 李子樵一 釋道秀一

碑一 黃久約

元

記一 王沂

碑四 王益一 梁宜一 程鉅夫一 歐陽玄一

雜文四 楊英一 無名氏一 馬居仁一 釋溥光一

第二十二卷

章成篇四

大明

記十九

朱衡一

張祚一

倫文叙一

羅洪先一

陳鳳梧一

喬宇一

周叙一

都穆一

羅洪先一

王世懋一

喬宇一

王士

三

周夢暘一

袁宏道一

袁宏道一

傅梅

傅梅

序五

李維楨一

丘禾實一

趙南星一

傅梅

馮時可

馮時可

碑銘一

董其昌

傅梅

傅梅

馮時可

馮時可

雜文十七

高出二

陸貴一

黃省曾二

陸樹聲一

馮時可

馮時可

傳梅二

嵩書目錄終

嵩書卷之一

文林郎登封縣知縣傅梅元鼎撰

星政篇

外方長曰余讀天官諸書知天地之合焉山川精氣
上為列星若形景然所謂陰陽之精其本在地而上
發於天故州國官宮物類之象一一上應而伏見盈
縮與政事俯仰最近此自然之符不可誣已按二十
八宿為天之經而嵩居角亢五行之星為天之佐而
嵩位填星其於帝為黃於斗處中昏建者杓杓自華

以西南為陰旦建者魁魁自海岱以東北為陽而衡
星建以夜半當中州河濟之間故曰陰陽之所會風
雨之所交也其於五嶽豈不為獨重哉書稱璇璣玉
衡以齊七政統理之綱將在於是况樞紐之關乎此
固長物者所宜講也

禹貢云荆河惟豫州又云熊耳外方桐栢至於陪尾

蔡沈註曰熊耳外方桐栢陪尾豫州山也嵩高古

文以為外方維時有州國而未分星野外方原屬
豫州自星家以角亢為鄭分野嵩在鄭境遂改屬

兗州矣首錄禹貢以及其始

星經云角亢鄭之分野兗州

角宿凡二星其屬十曰南門曰庫樓曰平星曰平道曰天田曰天門曰進賢曰周鼎曰柱星曰衡星亢宿凡四星其屬五曰大角曰折威曰左右攝提曰陽門曰傾頑○鄭伯爵出自周厲王少子友宣王母弟也宣王二十二年封友於鄭是為桓公在漢京兆之鄭縣即今陝西華州是也幽王之亂桓公謀於太史伯寄帑號鄩之間後幽王既敗桓公

歿之其子武公與平王東遷卒定統鄘之地而國
之在濟西洛東河南潁北而食溱洧焉謂之新鄭
後二十三世為韓所滅地遂屬韓星經所云鄭者
蓋新鄭也而嵩高在矣

史記天官書云角亢氐兗州

氐宿凡四星其屬十曰天乳曰招搖曰梗河曰帝
席曰亢池曰天輻曰陣車曰騎官曰車騎曰騎陣
將軍○星經兗州分野止稱角亢此兼言氐何也
曰氐凡十六度四度屬兗十二度屬豫故氐得兩

稱之也

前漢地理志云韓地角亢氏之分野也韓分晉得南陽郡及潁川之父城定陵襄城潁陽潁陰長社陽翟邠東接汝南西接弘農得新安宜陽皆韓分也及詩風陳鄭之國與韓同星分焉鄭國今河南之新鄭本高辛氏火正祝融之墟也及成臯滎陽潁川之崇高陽城皆鄭分也陳國今淮陽之地

按崇高乃漢武帝以太室山下戶三百為之奉邑

是為中嶽而陽城則周公立中表測日景者密邇

嵩山今云二邑皆鄭分而嵩山遂屬兗州分野矣
晉書天文志云自軫十二度至氐四度為壽星於辰
在辰鄭之分野屬兗州

夫自軫十二度至氐四度則包角亢在中矣與星
經史記分野相同第按費直周易分野壽星起軫
七度蔡邕月令章句壽星起軫六度俱與晉書稍
異予考軫宿本十八度志稱起自十二度實止七
度入壽星耳若云起自七度六度則軫入壽星者
居大半矣未知孰是○晉書天文志又云自氐五

度至尾九度爲大火於辰在卯宋之分野屬豫州
帝王世紀亦云自軫十二度至氐四度曰壽星之
次於辰在辰今韓分野自氐五度至尾九度曰大
火之次於辰在卯今宋分野愚謂據二書所云則
壽星專屬充大火專屬豫二星二州若是乎斬截
不相紊也而史記天官書則云宋鄭之疆候在歲
星占於房心夫歲星乃東方之星而房心爲宋國
之宿並舉宋鄭同候同占又若是乎圍轉不可執
也然則嵩高之稱爲豫州固有所自來矣

唐書天文志云陽氣自明堂漸升遠於龍角曰壽星
龍角謂之天關壽星在天關內故其分野在商亳西
南淮水之陰北連太室之東自陽城際之亦吳維地
也

夫曰太室曰陽城則壽星爲嵩山之分野亦一證
也第太室而曰東陽城而曰際猶爲有二矣諸說
不同如此

又云鶉火大火壽星豕韋爲中州其神主於高丘墳
星位焉

按史記天官書云填星之位曰中央土主季夏日
戊己黃帝主德女主象也歲填一宿索隱曰填黃
帝含樞紐之精其體璇璣中宿之分也隋書天文
志云填爲黃帝之德女主之象

又云角亢壽星也初軫十度餘八十七秒十四少中
角八度終氐一度自原武管城濱河濟之南東至封
丘陳留盡陳蔡汝南之地逾淮源至於弋陽西涉南
陽郡至於桐栢又東北抵嵩之東陽中國地絡在南
北河之間首自西傾極於陪尾故隨申光皆豫州之

分宜屬鶉火古陳蔡許息江黃道栢沈賴蓼須頓胡
防弦厲之國氏涉壽星當洛邑衆山之東與亳土相
接次南直潁水之間曰太昊之墟為亢分又南涉淮
氣連鶉尾在成周之東陽為角分

右唐書以角亢為壽星與晉書及世紀無異惟是
所列郡邑視漢書多相齟齬耳至所云嵩之東陽
及洛邑衆山之東與亳土相接次南直潁水之間
在成周之東陽等語均與嵩有涉也故備錄之

柳七星張鶉火也初柳七度餘四百六十四秒七少

中七星七度終張十四度北自滎澤滎陽並京索暨山南得新鄭密縣至外方東隅斜至方城抵桐栢北自宛葉南暨漢東盡漢南陽之地又自雒邑負北河之南西及函谷逾南紀達武當漢水之陰盡弘農郡以淮源桐栢東陽為限而申州屬壽星古成周統鄭管鄆東統密滑焦唐隨申鄧及祝融氏之都新鄭為軒轅祝融之墟其東鄙則入壽星

按史記天官書云柳七星張三河漢書天文志云

周地柳七星張之分野今河南洛陽穀城平陰偃

師華緱氏是其分也昔周公營洛邑與宗周通封
畿東西長而南北短短長相覆為千里自柳三度
至張十二度謂之鶉火之次周之分也據此東西
長南北短之說則嵩山似不在三宿分野之內矣
今唐書所載三宿度數疆域俱與漢書迥別內蒙
陽新鄭南陽弘農諸郡邑則皆漢書所謂韓地角
亢氐之分也至若外方東隅與前所謂嵩之東陽
乃是一地彈丸黑子安得分屬兩星耶况東隅東
陽俱止嵩山一面耳而嵩山全體竟安所屬耶予

反覆翻閱又見本志有云自陝而東三川中嶽爲成周夫三川者謂伊洛河也彼以三川中嶽爲成周則嵩山其柳星張之分野矣又晉書天文志云嵩山三河之郊氣正赤是蓋以嵩山與三河爲同宿又不自唐人始也○柳宿凡七星其屬一曰酒旗星宿凡七星其屬三曰軒轅曰天相曰天稷張宿凡六星其屬五曰內平曰長垣曰天尊曰少微曰天廟

又云七星係軒轅得土行正位中嶽象也

史記天官書云軒轅黃龍體前大星女主象旁小
星御者後宮屬援神契曰軒轅十二星后妃所居
石氏星讚以軒轅龍體主后妃也正義曰軒轅十
六星在七星北黃龍之體主雷雨之神後宮之象
也陰陽交感二十四變皆軒轅主之其大星女主
也次北星夫人也次北一星妃也其次諸星皆次
妃女御之屬隋書云軒轅黃帝之神后妃之主士
職也

宋史天文志云填星為中央為季夏為土於人五常

信也五事思也常以甲辰元始之歲填行一宿二十八歲而一周天經云填星主嵩山豫州

經即甘石星經也宋史引之然則嵩山果屬豫州矣三河宋鄭在禹時俱屬豫州

嵩嶽二山相連左曰太室右曰少室西征記云謂之室者以其下各有石室焉予未以為然也正韻云夫以婦為室孟子男子生而願為之有室此室字之義天下名山有石室者多矣獨此稱室必自有說按漢書地理志云密高有太室少室山廟太

室之廟為啓母少室之廟為少姨說者謂啓母夏
禹之妻也少姨塗山氏之妹也其神皆婦人像前
代碑銘題詠甚富亦未有能言其故者予反覆思
之不得其解今備閱星家諸書始恍然有悟也按
史記天官書及隋書天文志俱云填星為女主之
象而史記又云軒轅前大星女主象旁小星御者
後宮象與隋書援神契石氏星經正義等書並說
相同夫填星主嵩高而軒轅亦得土行正位為中
嶽之象此嵩山所以稱二室而二室之神所以為

婦人蓋取義於女主次妃默主陰教經文所以稱
后土也古人作事必有根據乃如此至於啓母少
姨之稱則穿鑿者見廟像不得其說故求其人以
實之耳予向舉此以告袁中郎中郎躍然曰此真
發前人所未發也附記於此

嘗聞太史公曰為國者必貴三五註云三五謂三
十歲一小變五百歲一大變也嵩山本名外方自
始見禹貢以至今茲所隸州國星辰次舍說者不
知凡幾變矣竊惟天運不變不足以統地而地道

不定亦不足以承天子推本於星經參考於漢晉而折衷於唐書疆理旣明經緯可得而指云夫星經成於甘石二公甘石者周末人也周之興也王畿千里及其衰也僅得河南七縣彼所云鄭屬兗宋屬豫周屬三河者固自其時言之耳然而去禹之九州遠矣自鄭滅於韓而漢書地理志以韓為兗州舉凡韓所有者悉以屬之而周封為之益削夫漢人去古尚邇其所次序國邑未應太謬然而去禹之九州抑又遠矣噫至定者地屢經改弦至

變者天豈復膠柱况乎國邑雖更隸不同而山峙
水流終古未易執山川以考州邑執州邑以求象
緯豈惟史漢有失即星經亦未為全得也宜乎唐
人因而乘之矣唐天文志本諸浮圖一行雜採太
史李淳風之說大略觀山河分麗於兩戒識斗柄
升沈於四維其義頗為精切至列叙九州星野其
詞甚辨自以為人莫能難者而穿鑿割裂亦復不
少英雄欺人耳惟是謂填星為嵩丘之主軒轅為
中嶽之象此則真千古不易之論也夫填星綱紀

諸舍者也以此為主見嵩山之大軒轅專曜一宿
者也以此為象見嵩山之精由此言之巍巍神嶽
峻極於天豈一州一國所能囿一象一緯所能局
哉

門人

魏三槐
張孔修

校字

嵩書卷之一終